

第一章 地理沿革

二、道里形胜

[西汉]司马迁撰，[南朝宗]裴驷集解，[唐]司马贞索隐，[唐]张守节正义《史记正义·列国分野》：

粤地，牵牛、婺女之分壑，今苍梧、郁林、合浦、交趾、九真、南海、日南，皆粤分也。^[1]

[东汉]班固撰，[唐]颜师古注《汉书》卷二十八下《地理志第八下》：

粤地，牵牛、婺女之分壑也。今之苍梧、郁林、合浦、交趾、九真、南海、日南，皆粤分也。^[2]

[唐]杜佑《通典》卷一百七十二《州郡二》：

越地，牵牛、婺女之分野。得汉之苍梧、郁林、合浦、交趾、九真、南海、日南，皆越分野。^[3]

[后晋]刘昫等《旧唐书》卷三十六《志第十六·天文下》：

翼、轸，鹑尾之次。巳初起张十五度，中翼十二度，终轸九度。其分野：自房陵、白帝而东，尽汉之南郡、江夏。东达庐江南郡。滨彭蠡之西，得汉长沙、武陵、桂阳、零陵郡。又逾南纪，尽郁林、合浦之地。^[4]

[北宋]李昉等《太平御览》卷一百九十三《居处部二十一》：

又曰廉州。宋太始^[5]年，陈伯绍平夷至合浦，见三青牛，围之不获，即其处置城，俗号青牛城。^[6]

[北宋]李昉等《太平御览》卷七百十《服用部十二》：

《交州记》曰：合浦围州有石室，其里一石如鼓形，见榴木杖倚着石壁，采珠人常致祭焉。^[7]

[北宋]李昉等《太平御览》卷七百七十《舟部三》：

刘欣期《交州记》曰：安定县。有越王铜舡，潮退时有见者。合浦四十里有潮，阴雨日，百姓樵采，见铜舡出水上。^[8]

[北宋]李昉等《太平御览》卷八百三十《资产部十》：

严欣期《交州记》曰：糠头山。在合浦海口，传云越王舂米于此，积糠所成。^[9]

[北宋]李昉等《太平御览》卷八百五十《饮食部十三》：

刘欣期《交州记》曰：合浦海口有糠头山，传云越王舂米于此，积糠而成。^[10]

[北宋]乐史《太平寰宇记》卷一百六十二《岭南道六》:

《南越志》云：“桂林郡，本治阳溪，今移郁江口，有铜鼓滩是也。武熙县有桂山、围山。《本草》云桂生山谷，久服令身轻。又平阳县有阳溪，在县数百里，伏流通于岷山。”又云：“潭中县二百里，则桂林故郡所理也。”

中留县，秦置也。次三百里至于江，则桂江也。与郁林合浦水并归于海。建兴三年，诸葛武侯南征，遂分建宁、牂柯二郡地为兴古郡。延康元年，步骘交州出自长沙，趋于此道。故《吴书》曰：“权遣吕岱步骘。将交州义士万人出长沙。会玄德东下，武陵蛮夷蠢动，遂命骘上益阳。备既败绩，而零陵、桂林诸郡犹相惊扰。骘周旋征讨，皆平之。”^[11]

[北宋]乐史《太平寰宇记》卷一百七十六《四夷五·南蛮一》:

黄支国，汉时通焉。去合浦、日南三万里。俗略与朱崖相类。自武帝已[以]来皆献见，地贡银、硃、玉璧、琉璃、奇石异物，大珠圆及二寸，而至圆者，置之平地，终日不停。^[12]

[北宋]杨侃《两汉博闻》卷二:

粤地，牵牛、婺女之分野也，今之苍梧、郁林、合浦、交阯、九真、南海、日南，皆粤分也。^[13]

[北宋]曾公亮、丁度《武经总要》前集卷二十《边防》:

廉州，合浦郡，汉所置。吴改珠官，宋兼置临瘴郡及越州，领郡三，并治于此。时西江督护陈伯绍为刺史，始立州，穿土为城，威服瑶僚^[14]。唐置廉州，地界控海口，有瘴，江置二砦守之。东至白州百二十里，西至钦州三十里，南至大海六十里，北至钦州百四十里。东南、西南皆大海，东北白州二百六十里。^[15]

[北宋]曾公亮、丁度《武经总要》前集卷二十《边防》:

雷州海康军，汉属合浦县，梁置合州，后以合肥为合州，因加南字。唐为雷州，控入海水路。东至海三十里，西至海一百五十里，南至海一百七十里，北至化州一百六十里。^[16]

[北宋]王钦若等《册府元龟》卷五〇四《邦计部》:

太初四年，徙弘农都尉治武关税出入者，以给关吏卒食。《汉书·地理志》：弘农郡有故丞秦函谷关。上党郡有上党关、壶口关、石研关、天井关，牂牁郡有柱蒲关、进桑关。巴郡鱼复有江关都尉治，敦煌郡有阳关、玉门关，代郡有五原关，苍梧郡有离水关、荔平关，合浦郡有合浦关。^[17]

[北宋]王钦若等《册府元龟》卷九五七《外臣部》:

黄支国，去合浦、日南三万里。^[18]

[北宋]欧阳修、宋祁《新唐书》卷三十一《天文志》:

自房陵、白帝而东，尽汉之南郡、江夏，东达庐江南郡，滨彭蠡之西，得长沙、武陵，又逾南纪，尽郁林、合浦之地。^[19]

[南宋]郑樵《通志》卷四十一《都邑略第一》:

黄支在合浦、日南之南三万里。^[20]

[南宋]祝穆《方輿胜览》卷三十九《广西路》:

古越地，牵牛、婺女之分野。秦属象郡，汉置合浦，郡即今州治也。吴时改珠官郡，复改合浦郡，宋置越州，隋炀帝改为禄州，又改为合州，又废，为合浦郡。唐又为越州，又置珠池县，改为廉州。^[21]

[南宋]潜说友《咸淳临安志》卷十八《疆域三》:

前汉《天文志》:斗，江、湖。牵牛、婺女，扬州。又《地理志》:吴地，斗分野也，今之会稽、九江、丹阳、豫章、庐江、广陵、六安、临淮，尽吴分也。越地牵牛、婺女之分野也，今之苍梧、郁林、合浦、交趾、九真、南海、日南，皆越分也。后汉《律历志》注:蔡邕《月令章句》云:自斗六度至须女二度，谓之星纪之次，越之分野。^[22]

[明]章潢《图书编》卷四十一《广东图叙》:

廉州府，其名汉合浦，吴珠官，有瘴筒。其属州一，县三，附郭。合浦二十六里，简瘴。外石康十里。钦州十里，简无瘴。属灵山三十里简。其形胜大廉，峙东巨海南，凿山为城门，其俗珠采甲香为业，以腊月为岁首，以亥聚市，不事巫医，俭朴简讼。^[23]

[明]张鸣凤《桂胜》卷五《伏波山》:

唐伏波庙在郭东北二里，去山较远。宋元丰间，游者题作伏波取麓遏澜回。故云任吕赋诗于岩曰:玩珠不似后人，相循环珠已也。或云，还珠亦宋人为桂帅清德之颂，盖比孟尝，珠去复还焉。以其时合浦隶桂部，其意则美，惜无所据。山后则桂城，东北雉堞交加，故两一面界在城中，东北有蒙亭遗址，亭诗与记并镌山壁。又癸水、光月两亭，今废题名，内有龙石，在木龙渡，去山里许，水中有石龙，状可群饮，其上岩门，又有试剑石，亦凿空伏波为之者。^[24]

[明]张鸣凤《桂胜》卷二《漓山》:

云崖二真书，旁有佛像，下镌唐僧智深为合浦令吕兴造佛像记。^[25]

[清]朱鹤龄《禹贡长笺》卷五:

粤地。今之苍梧、郁林、合浦、交趾、九真、南海、日南，皆粤分。南海近海，多犀象、毒冒、珠玕、银铜、果布之凑。番禺，其都会也。^[26]

[清]杜臻《粤闽巡视纪略》卷一:

珠池。《旧志》云:“一称珠母海，相传有七:曰青莺，曰断望，曰杨梅，曰乌坭，曰白沙，曰平江，曰海渚，俱在冠头岭外、大海中，上下相去约一百八十三里。”前巡抚陈大科曰:“白沙、海渚二池，地图不载，止杨梅等五池。又有对乐一池，在雷州，共六池。”

予访之土人，杨梅池在白龙城之正南，少西即青莺池，平江池在珠场寨前，乌坭池在冠头岭外，断望池在永安所。珠出平江者为佳，乌坭为下，亦不知所谓白沙、海渚二池也。《旧志》又载：“有珠场守池巡司，及乌兔、凌禄等十七寨，而不着其所自始，白龙城亦不载于城池条。但言钦廉土不宜谷，民用采珠为生，自古以然。商贾贵米易珠，官司欲得者从商市之而已。汉顺帝时桂阳太守文苍献大珠，诏却之，足知其非常贡。至孙吴黄武间，改合浦为珠官郡，始有官领采辨之事。然权非侈靡之主。史称其时魏主来求雀头香、明珠、翡翠、斗鸭、长鸣鸡。权曰：“彼所求者于我瓦石耳，悉以与之。”已而，魏使又来，请以马易珠玕、璆瑁。权曰：“此皆孤所不用，而可得马，何苦而不听其交易？”由是多取以应之，其意盖欲以权变弊敌国，如范蠡骄吴故事。然厉民已甚，难免作俑之讥矣。晋平吴，交州刺史陶璜请弛其禁，民困始苏。自宋迄隋，未尝复设。唐虽以珠池名县，官不采取，但以利民。至伪汉刘鋹始设媚川都于海门镇，募兵能采珠者二千人，以索系石没水而取之，深至五百尺，死者甚众。^[27]

[清]杜臻《粤闽巡视纪略》卷一：

《水经注》：牢水出交州合浦郡。郡不产谷，多采珠宝，前政烦苛，珠徙交阯。会稽孟伯周为守，有惠化，去珠复还，盖珠池实有异。晋咸安间合浦人采珠得佛光焰。先是丹阳尹高悝行张侯桥浦，得金阿育王像，无跌座与光焰。经一岁，临海渔人得跌座于海口，至是复得光焰。三相会合，宛然如一，盖三十年矣。后有西域僧五人诣悝，言昔造像送邺，遇乱埋河边，不意乃在此。因拜伏流涕。是夕，像放光，烛殿宇。^[28]

[清]胡渭《禹贡锥指》卷六：

《地理志》以苍梧、郁林、合浦、交阯、九真、南海、日南为粤分者，是也。^[29]

[清]张英等《御定渊鉴类函》卷三百三十五《州郡部二》：

合浦《交州记》曰：合浦八十里，有围洲，周回百里。《汉书》曰：合浦郡，武帝元鼎六年开。^[30]

[清]张英等《御定渊鉴类函》卷三百七十八《服饰部九》：

增倚石壁。《交州记》曰：合浦圉州有石室，其里一石如鼓形，见榴木杖倚着石壁，采珠人常致祭焉。^[31]

[清]张英等《御定渊鉴类函》卷三百九十五《五谷部二》：

积糠成山。《潜夫论》云：不命大将以讨叛羌，州郡兴兵，若排糠障风，淘沙壅河、《交州记》曰：合浦海口有糠头山，传云越王舂米于此，积糠而成。^[32]

[清]傅泽洪《行水金鉴》卷八十八《运河水》：

太史公《自序》云：汉既平中国，而佗能集扬越以保南藩。贾谊《过秦论》云：南取百粤之地，以为桂林、象郡。晁错上书云：扬粤之地，少阴多阳，秦之戍卒不能其水土。严安上书云：秦使尉佗、屠睢将楼船之士南攻百越。此百越即扬越，秦时号陆梁地。《地

理志》以苍梧、郁林、合浦、交趾、九真、南海、日南为粤分者，是也。^[33]

[清]陈元龙《格致镜原》卷六十一《谷类》:

《交州记》合浦海口有糠头山，传云越王舂米于此，积糠而成。^[34]

[清·雍正]金鉞《广西通志》卷四十五《古迹二》:

马门滩碑，在县西南。唐咸通末，安南都护高骈平蛮僚，诏使归阙，就海道由合浦经是，滩湍险石，伏舟不可行，因留俸钱，遣海门防遏使杨俊营治之。乾符中工竣，立碑以纪。^[35]

[清·道光]阮元《广东通志》卷一百十《山川略》:

大洸港有潮，西通九河江江口，有赤羊壑，昼人取蚝于此，又名赤蚝壑。相传汉马援征交趾时，驻军合浦，由外海运粮，恒苦乌雷风涛之险及海寇攘劫之患，遂以昏夜凿白皮蜂腰之地，以通粮艘。此河通龙门七十二径，直抵钦城，其掘凿处约长七八里，阔五六丈，深三四尺。今两头潮水尚通，但中间堙塞。此水一开，实钦廉舟楫之利。^[36]

- [1] [西汉]司马迁撰，[南朝宋]裴驷集解，[唐]司马贞索隐，[唐]张守节正义《史记正义·列国分野》，中华书局，1982，第33页。
- [2] [东汉]班固撰，[唐]颜师古注《汉书》卷二十八下《地理志第八下》，中华书局，1975，第1669页。
- [3] [唐]杜佑：《通典》卷一百七十二《州郡二》，王文锦、王永兴、刘俊文等点校，中华书局，1988，第4490页。
- [4] [后晋]刘昫等：《旧唐书》卷三十六《志第十六·天文下》，中华书局，1975，第1314页。
- [5] 南朝宋明帝年号“泰始”，此处误作“太始”。
- [6] [北宋]李昉等编《太平御览》卷一百九十三《居处部二十一》，四部丛刊三编景宋本，第1237页。
- [7] [北宋]李昉等编《太平御览》卷七百十《服用部十二》，四部丛刊三编景宋本，第4215页。
- [8] 同上书，卷七百七十《舟部三》，第4539页。
- [9] 同上书，卷八百三十《资产部十》，第4920页。
- [10] 同上书，卷八百五十《饮食部十三》，第5064页。
- [11] [北宋]乐史编《太平寰宇记》卷一百六十二《岭南道六》，王文楚等点校，中华书局，2007，第3107页。
- [12] 同上书，卷一百七十六《四夷五·南蛮一》，第3354页。
- [13] [北宋]杨侃：《两汉博闻》卷二，中华书局，1985，第36页。
- [14] “瑶僚”，原文为“猺僚”。因“猺”为民族歧视性称谓，反映出当时的文化偏见与历史局限性，为与目前的政策、形势相适应，我们以历史唯物主义的态度来辩证对待，用偏中性且字形相近的“瑶”来替代。后文仍有不少此类情况，依此原则处理，并注出原文。
- [15] [北宋]曾公亮、丁度：《武经总要》前集卷二十《边防》，湖南科技出版社，2017，第1223页。
- [16] 同上。
- [17] [北宋]王钦若等编纂《册府元龟》卷五〇四《邦计部》，周勋初等校订，凤凰出版社，2006，第5729页。
- [18] 同上书，卷九五七《外臣部》，第11086页。
- [19] [北宋]欧阳修、宋祁：《新唐书》卷三十一《天文志》，中华书局，1975，第823页。
- [20] [南宋]郑樵：《通志二十略》卷四十一《都邑略第一》，中华书局，1995，第579页。
- [21] [南宋]祝穆：《方輿胜览》卷三十九《广西路》，施和金点校，中华书局，2003，第712页。
- [22] [南宋]潜说友：《成淳临安志》卷十八《疆域三》，成文出版社，1970，第100页。
- [23] [明]章潢：《图书编》卷四十一《广东图叙》，清文渊阁四库全书本，第1142页。
- [24] [明]张鸣凤：《桂胜》卷五《伏波山》，杜海军、闫春注释，中华书局，2016，第15页。
- [25] 同上书，卷二《漓山》，第7页。
- [26] [清]朱鹤龄：《禹贡长笺》卷五，清文渊阁四库全书本，第56页。
- [27] [清]杜臻：《粤闽巡视纪略》卷一，清康熙三十八年刻本，第16页。
- [28] 同上书，第19页。
- [29] [清]胡渭：《禹贡锥指》卷六，上海古籍出版社，2006，第115页。
- [30] [清]张英等编《御定渊鉴类函》卷三百三十五《州郡部二》，清文渊阁四库全书本，第7507页。
- [31] 同上书，卷三百七十八《服饰部九》，第8455页。
- [32] 同上书，卷三百九十五《五谷部二》，第8818页。
- [33] [清]傅泽洪：《行水金鉴》卷八十八《运河水》，商务印书馆，1937，第1305页。
- [34] [清]陈元龙：《格致镜原》卷六十一《谷类》，江苏广陵古籍刻印社，1989，第683页。
- [35] [清]雍正《广西通志》卷四十五《古迹二》，清文渊阁四库全书本，第737页。
- [36] [清]道光《广东通志》卷一百十《山川略》，清道光二年刻本，第2116-2117页。

三、风土物产

[西晋]郭璞注，[北宋]邢昺疏《尔雅注疏》卷十《释畜第十九》：

马属，释曰：自驄駉已下虽骏异，毛色不同，皆马之属类，故以此题之也，下仿此。

摩牛，注：出巴中，重千斤。爆牛，注：即犂牛也，领上肉爆肤起，高二尺许，状如橐驼，肉鞍一边，健行者日三百余里。今交州、合浦、徐闻县出此牛。^[1]

[西晋]嵇含《南方草木状》卷上：

吉利草，其茎如金钗，股形类石斛，根类芍药，交广俚俗多畜蛊毒，惟此草解之极验。吴黄武中，江夏李侯以罪徙合浦，始入境，遇毒，其奴吉利者偶得是草，与侯服，遂解。吉利即遁去，不知所之。侯因此济人，不知其数，遂以吉利为名。岂李侯者，徙非其罪，或侯自有隐德，神明启吉利者救之耶？^[2]

[西晋]嵇含《南方草木状》卷上：

杉，一名披粘，合浦东二百里，有杉一树。汉安帝永初五年春，叶落，随风飘入洛阳城。其叶大常杉数十倍，术士廉盛曰：“合浦东杉叶也，此休征，当出王者。”帝遣使验之，信然，乃以千人伐树，役夫多死者。其后三百人坐断株上食，过足相容，至今犹存。^[3]

[西晋]嵇含《南方草木状》卷中：

益智子，如笔毫，长七八分，二月花，色若莲，着实，五六月熟，味辛，杂五味中，芬芳，亦可盐曝，出交趾合浦。建安八年，交州刺史张津，尝以益智子粽饷魏武帝。^[4]

[西晋]嵇含《南方草木状》卷中：

桂出合浦，生必以高山之巅，冬夏常青，其类自为林，间无杂树。交趾置桂园。桂有三种，叶如柏叶，皮赤者，为丹桂；叶似柿叶者，为茵桂；其叶似枇杷叶者，为牡桂。《三辅黄图》曰：“甘泉宫南有昆明池，池中有灵波殿，以桂为柱，风来自香。”^[5]

[南朝梁]萧子显《南齐书》卷十四《志第六·州郡上·越州》：

越州，镇临漳郡，本合浦北界也。夷僚^[6]丛居，隐伏岩障，寇盗不宾，略无编户。宋泰始中，西江督护陈伯绍猎北地，见二青牛惊走入草，使人逐之不得，乃志其处，云“此地当有奇祥”。启立为越州。七年，始置百梁、陇苏、永宁、安昌、富昌、南流六郡，割广、交、朱鸞三郡属。元徽二年，以伯绍为刺史，始立州镇，穿山为城门，威服僚僚^[7]。土有瘴气杀人。汉世交州刺史每暑月辄避处高，今交土调和，越瘴独甚。刺史常事戎马，唯以战伐为务。……

合浦郡，徐闻、合浦、朱卢、新安、晋始、荡昌、朱丰、宋丰、宋广。^[8]

[南朝梁]萧绎《金楼子》卷五《著书篇十》：

合浦有康头山，山上有一头鹿，额上戴科藤一枝，四条直上，各长丈许。^[9]

[北魏]贾思勰《齐民要术》卷十：

眊藤，生山中，大小如芋蒿，蔓衍生。人采取，剥之以作眊，然不多。出合浦兴古。^[10]

[北魏]贾思勰《齐民要术》卷十：

简子藤，生缘树木。正月二月华色，四月五月熟；实如梨，赤如雄鸡冠，核如鱼鳞。取生食之，淡泊无甘苦。出交趾合浦。^[11]

[北魏]贾思勰《齐民要术》卷十：

《广志》曰：“桂出合浦，其生必高山之岭，冬夏常青，其类自为林，林间无杂树。”^[12]

[唐]欧阳询等《艺文类聚》卷八十四《宝玉部下》：

万震《南州异物志》曰：合浦民善游采珠，几年十余岁，使教入水，官禁民采珠，巧盗者蹲水底，刮蚌得好珠，吞而出。^[13]

[唐]欧阳询等《艺文类聚》卷八十四《宝玉部下》：

谢承《后汉书》曰：孟尝为合浦太守，郡境旧采珠以易米食。先时，二千石贪秽，使民采珠，积以自人。珠忽徙去，合浦无珠，饿死者盈路。孟尝行化一年之间，去珠复还。又曰：汝南李敬为赵相，奴于鼠穴中得系珠，瑯珉相连，以问主簿。对曰：“前相夫人昔亡，三珠疑子妇窃之，因即去妇。”敬乃送珠付前相，相惭，追去妇还。^[14]

[唐]欧阳询等《艺文类聚》卷八十六《药部上》：

宋江夏王刘义恭启曰：手敕猥赐华林樱桃，为树则多阴，百果则先熟，故种之于厅事之前。有蝉鸣焉，顾命黏取以弄。^[15]

[唐]欧阳询等《艺文类聚》卷八十六《药部上》：

梁庾肩吾《谢蒙赉朱樱启》曰：成丛殿侧，犹连制赋之条，结实西园，非复粘蝉之树。异合浦之归来，疑藏朱实。同秦人之逐弹，似得金丸。^[16]

[唐]欧阳询等《艺文类聚》卷八十七《药部下》：

《南方草木状》曰：益智子如笔毫，长七八分。二月华，色似莲着实，五六月熟。味辛，杂五味中，芬芳，亦可盐曝，出交趾合浦。^[17]

[唐]欧阳询等《艺文类聚》卷八十九《木部中》：

《广志》曰：桂出合浦，而生必于高山之巅，冬夏常青，其类自为林，间无杂树。交趾置桂园。^[18]

[唐]欧阳询等《艺文类聚》卷八十九《木部中》：

刘欣期《交州记》曰：合浦东一百里有一杉树，叶落随风入洛阳城内，汉时善相者云：“此休征，当出王者。”帝遣千人伐树，役夫多死。三百人坐株上食，适足相容。^[19]

[唐]徐坚《初学记》卷八《州郡部》：

合浦。《交州记》曰：合浦八十里有围洲，周回百里。《汉书》曰：合浦郡，武帝元鼎

六年开。^[20]

[唐]杜佑《通典》卷一百八十八《边防四·南蛮下》:

黄支国，汉时通焉。合浦、日南之南三万里，俗略与珠崖相类。自武帝以来皆献见，有明珠、玉璧、琉璃、奇石、异物。大珠至围二寸以下，而至圆者，置之平地，终日不停。^[21]

[唐]段成式《酉阳杂俎》前集卷十六《广动植之一》:

《南康记》云：“合浦有鹿，额上戴科藤一枝，四条直上，各一丈。”犀之通天者，必恶影，常饮浊水。当其溺时，人赶不复移足。角之理，形似百物。或云犀角通者，是其病。然其理有倒插、正插、腰鼓插。倒者一半已下通，正者一半已上通，腰鼓者中断不通。故波斯谓牙为“白暗”，犀为“黑暗”。成式门下医人吴士皋，常职于南海郡，见舶主说，本国取犀，先于山路多植木如祖杙，云犀前脚直，常倚木而息，木栏折，则不能起。犀角，一名奴角。有鸬处，必有犀也。犀三毛一孔。刘孝标言：“犀堕角埋之，人以假角易之。”^[22]

[唐]段公路《北户录》卷一《赤白吉了》:

某年普宁有廉州民，获赤、白吉了各一头，献于刺史者。其赤者寻卒。白者久而能言，凡笑语悉皆教人，斯珍禽也。吉了身黑嘴赤，首戴黄冠，善教人，笑言声明，切于鸚鵡，好食鸡子饭也。^[23]

[唐]王希明《太乙金镜式经》卷八《绛宫》:

绛宫交州。按《禹贡》州之域是为南越之土。秦始皇略定扬越以南，戍卒五十万人守五岭。自北徂南，入越之道必由岭峽，时有五处，故曰五岭也。遂定南越，为桂林、南海、象等三郡，非丰十六郡之限，乃置南海尉以典之。

合浦、交趾、新昌、武宁、九真、日南、九德、象林。^[24]

[北宋]陶穀《清异录》卷下《小摩尼数珠》:

汉隐帝之祸，手中犹持小摩尼数珠，凡一百八枚，盖合浦珠也。郭允明劫去。^[25]

[北宋]李昉等《太平御览》卷三百九十六《人事部三十七》:

万震《南州异物志》曰：合浦之人习水善游，俛视增潭，如猿仰株，入如沉鼃，出如轻鳧，蹲泥剖蚌，潜窃明珠。^[26]

[北宋]李昉等《太平御览》卷七百一十八《服用二十》:

《西京杂记》曰：赵飞燕为皇后，其女弟上遗合浦圆珠珥。《梦书》曰：珠珥为人子之所贵，梦得珠珥，得子也。^[27]

[北宋]李昉等《太平御览》卷七百八十五《四夷部六》:

《汉书》曰：黄支国去合浦、日南三万，国俗与朱崖略同。武帝时来贡，具多明珠、璧、琉璃、奇石、异物。大珠围及二寸，至团者，置之平地，终日不得止。^[28]

[北宋]李昉等《太平御览》卷八百三《珍宝部三》:

万震《南州异物志》曰:合浦有民,善游采珠,几年十余,便教入水求珠。官禁民采珠,巧盗者蹲水底,剖蚌得好珠,吞之而出。^[29]

[北宋]李昉等《太平御览》卷八百九十八《兽部十》:

张勃《吴录地理志》曰:合浦、徐闻县多牛,其项上有特骨,大如覆斗,日行三百里。^[30]

[北宋]李昉等《太平御览》卷九百《兽部十二》:

又曰:陶太尉微时,丧当葬,家贫,亲自营作砖。有一班牯牛载砖至,忽然失去,便自寻觅。忽于道中逢一老翁,问云:“君欲何所觅。”太尉具答,更举手指,云:“向于山岗上,见一牛眠山圩中,必是君牛。此牛所眠处便好作墓安坟,当之,致之极贵,小复不当,位极人臣,世为方岳矣。”又指一山云:“此山亦好,但不如向耳,亦当世出刺史也。”言讫便不复见。太尉墓之皆如其言。刘敬叔《异苑》曰:余以义熙十三年为长沙景王、骠骑参军,在西州得一黄牛。时将货之便,昼夜衔草不食,流泪瘦瘠。又曰:即墨有古冢。或发之,有金牛塞埏门,不可移动,犯之则眊也。《异物志》曰:合浦牛如橐驼,案项上有特骨,大如覆斗,足捷疾,其行如马,日行三百里。^[31]

[北宋]李昉等《太平御览》卷九百六《兽部十八》:

《交州记》曰:合浦口有麋,角当额上,载科藤一株,三四条,长可一寻,射师从禽,每见而不敢射。^[32]

[北宋]李昉等《太平御览》卷九百二十一《羽族部八》:

《南方草物状》曰:番鸠生海边土穴中,里民常以腊月、正月捕食,味如蟹,得过十余,不可复食。合浦、交趾、九真有之。^[33]

[北宋]李昉等《太平御览》卷九百二十四《羽族部十一》:

《南方草物状》曰:短头细黄鱼,以九月中因秋风而变成鹑。上圃吏民捕取,盐炙食,滋味肥美,出交趾、合浦郡。^[34]

[北宋]李昉等《太平御览》卷九百五十七《木部六》:

《广志》曰:桂出合浦,而生必以高山之巅,冬夏常青,类自为林,间无杂树。交趾置桂园。^[35]

[北宋]李昉等《太平御览》卷九百五十七《木部六》:

刘欣期《交州记》曰:合浦东二百里有一杉树,叶落随风入洛阳城内,汉时善相者云:“此休征,当出王者。”故遣千人伐树,役夫多死,三百人坐断株上食,过足相容。^[36]

[北宋]李昉等《太平御览》卷九百七十二《果部十》:

《南方草物状》曰:益智如笔毫,长七八分,二月华,五月、六月熟,味辛,中芬香,出交趾、合浦。^[37]

[北宋]李昉等《太平御览》卷九百八十《菜茹部一》:

优殿。《南方草物状》曰:合浦有菜,名优殿,以豆酱汁茹食,芳好,可食胡饼。^[38]

[北宋]李昉等《太平御览》卷九百九十五《卉部二》:

《金楼子》曰:合浦有康头山,山有一头鹿,额上载科藤一枚,四条直上,各长一丈许。^[39]

[北宋]李昉等《太平御览》卷九百九十五《卉部二》:

《南方草物状》曰:沉藤,生子大如壺瓿,正月华,苞仍连,着实,十月腊月熟。色赤,生食之,甜酢,生交趾、九真。事毗至藤,生山中,大如葶蒿蔓衍,居民采取剥之以作毗。然不多,出兴古、合浦。筒子藤生缘树木,正月、二月华,四五月熟。实如梨,赤如雄鸡冠,核如鱼鳞,取生食之,味淡泊,无甘苦,出交趾、合浦。野聚藤,缘树木,二月华,苞仍连着实,五六月熟,子大如羹瓿,里民煮食,其味甜酢,出苍梧。科藤,生金封山,乌浒人往往卖之。其色正赤,又云以草染之,出兴古。^[40]

[北宋]范成大《桂海虞衡志》:

珠,出合浦海中。有珠池,蟹户投水采蚌取之。岁有丰耗,多得谓之珠熟。相传海底有处所,如城郭大,蚌居其中,有怪物守之,不可得。蚌之细碎蔓延于外者,始得而采。^[41]

[北宋]唐慎微《证类本草》卷八:

优殿,味辛温,去恶气,温中消食,生安南。人种为茹。《南方草木状》曰:合浦有优殿,人种之,以豆酱汁食,芳香好味。^[42]

[南宋]郑樵《通志》卷七十五《昆虫草木略第一》:

优殿。《南方草木状》曰:合浦人种之,用酱汁而食,芳香。^[43]

[南宋]郑樵《通志》卷七十六《昆虫草木略第二》:

牛之属多。《尔雅》曰:摩牛、爆牛、犛牛、犛牛、犛牛、犛牛、犛牛。摩音麻,郭云出巴中,重千觔。爆音雹,郭云即犛牛也,领上肉爆肤起,高二尺许,如橐驼,肉鞍一边,捷者日行三百里,交州、合浦、徐闻县出此牛。^[44]

[南宋]郑樵《通志》卷一百九十八《四夷传第五南蛮下》:

黄支,汉时通焉。在合浦、日南之南三万里,其俗略与珠崖相类。自武帝以来常献见,有明珠、玉璧、琉璃,奇石、异物。大珠至围二寸以下,而最圆者,置之平地,终日不停。^[45]

[南宋]罗愿《尔雅翼》卷十二《桂》:

《广志》曰:桂出合浦,而生必于高山之巅,冬夏常青。^[46]

[南宋]王应麟《通鉴地理通释》卷五《十道山川考》:

汉交趾、几真、日南、合浦皆有蛮。唐岭南诸蛮州九十二,隶桂邕州安南府。蜀夔蛮

州十八，隶峰州。^[47]

[南宋]佚名《锦绣万花谷》后集卷四十：

背上有甲珠文。刘欣期《交州记》曰：鲛鱼出合浦，长三尺，背上有甲珠文，坚强可以饰刀口，又可以炉物。^[48]

[明]杨慎撰，王大亨笺证《丹铅总录笺证》卷四《花木类》“合浦叶”条：

刘欣期《交州记》云：合浦东百里有一杉树，叶落，随风入洛阳城内。汉时有善相者说：“此休征，当出王者。”特遣人伐树。庾信诗：传闻合浦叶，远向洛阳飞。吴均诗：三秋合浦叶，九月洞庭枝。薛道衡《吴趋行》：杉叶朝飞向京洛，文鱼夜过历吴洲。皇甫冉诗：心随合浦叶，命寄首阳薇。杨盈川文：合浦杉叶飞向洛阳，始兴鼓木。见《水经注》。^[49]

[明]徐元太《喻林》卷一百十八《物宜门三》：

桂出合浦，生必以高山之巅，冬夏常青，其类自为林，间无杂树。^[50]

[明]彭大翼《山堂肆考》卷二十九《地理》“锦官”条：

锦官城在成都府万里桥南，因蜀有锦官，故名。犹合浦之有珠官也。^[51]

[明]陈耀文《天中记》卷四十六：

优殿。合浦有菜名优殿，以豆酱汁茹食之，甚香美，可食。^[52]

[明]陈耀文《天中记》卷四十九：

合浦圆珠。赵飞燕为皇后，其女弟上遗合浦圆珠珥，选一。卞太后唯约俭，不尚华丽，无文绣珠玉，器皆黑漆。太祖尝得名珥数具，命后自选一具，后取其中者，太祖问其故，对曰：“取其上者为贪，取其下者为诈，故取其中者。”^[53]

[明]陈耀文《天中记》卷五十一：

休征。合浦东二百里，有一杉树，叶落，含风入洛阳城内。汉时善相者云：“此休征，当出王者。”故遣千人伐树，役夫多死，三百人坐断株上食，过足相容。^[54]

[明]陈耀文《天中记》卷五十三：

吉利草。其茎如金钗，股形类石斛，根类芍药。交广俚俗多蓄蛊毒，惟此草解之，极验。吴黄武中，江夏李侯以罪徙合浦，始入境，遇毒，其奴吉利者偶得是草，与俱服，遂解。吉利即遁去，不知所之。侯因此济人，不知其数。遂以吉利为名。^[55]

[明]陈耀文《天中记》卷五十五：

合浦。合浦牛如橐驼，案顶上有特骨，大如覆斗，足捷疾，其行一日常数百里。《异物志》。引牧牛项上，惟肉大如斗，出徐门，余同。《初学记》。^[56]

[明]卢之颐《本草乘雅半偈》卷二《本经上品三》：

薷曰：牡桂出合浦、交趾、广州、象州、湘州。桂岭诸处生，必高山之巅，旁无杂树，

自为林类。叶色常青，凌冬不凋，如枇杷叶，边有锯齿，表里俱有白毛，中心有纵文两道，宛如圭形。^[57]

[明]卢之颐《本草乘雅半偈》卷八《别录上品》：

曩曰：《禹贡》淮夷鬻珠，后世乃出南北海，川蜀西路女瓜，河北滹沱，江南湖泖间，亦时有之。《岭表录异》云：廉州边海中有洲岛，岛上有大池，池水淡洁，谓之珠池。每岁刺史亲监珠户入池，采老蚌，剥珠以充贡。《廉州志》云：合浦县海中有梅、青、婴三池，昼人每以长绳系腰，携篮入水。拾珠母，纳其中，即振绳，令舟人急起之。设有线血浮水上，其人即葬鱼腹矣。^[58]

[明]方以智《通雅》卷四十三：

侵牡桂，非木犀之桂也。《尔雅》木桂，叶似枇杷而大。嵇含曰：桂出合浦，冬夏常青，自为林，交趾置桂同。有三种，叶如柏，皮赤者为丹桂；似柿叶者为菌桂；叶似枇杷者为牡桂。智以此木桂即牡桂。^[59]

[清]张英等《御定渊鉴类函》卷三百九十七《药部二》：

原《广志》曰：益智叶似蕺荷，长丈余，其根有小枝，高者八九寸，无叶萼，其子丛生着之，大如枣，中瓣黑皮白核，小者曰益智之。摄涎涉，出万寿，亦生交趾。《南方草木状》曰：益智子，如笔毫，长七八分，二月华，色似莲，着实，五、六月熟，味辛，杂五味，中芬芳，亦可盐曝。出交趾、合浦。^[60]

[清]张英等《御定渊鉴类函》卷四百一《果部三》：

梁庾肩吾《谢蒙赉朱樱启》曰：成丛殿侧，犹连制赋之条；结实西园，非复黏蝉之树。异合浦之归来，疑藏朱实；同秦人之逐弹，似得金丸。^[61]

[清]张英等《御定渊鉴类函》卷四百八《草部一》：

《草木状》曰：吴黄武中，夏江李侯以罪徙合浦，遇毒，其奴吉利者得一草，茎如金钗，股类石斛，根类芍药，与侯服，遂解。吉利即遁去，不知所之。侯因此济人，不知其数，遂名吉利草。^[62]

[清]张英等《御定渊鉴类函》卷四百十六《木部五》：

《说文》曰：桂，江南木，百药之长。《广志》曰：桂出合浦，而生必于高山之巅，冬夏常青，其类自为林，间无杂树增。^[63]

[清]张英等《御定渊鉴类函》卷四百三十五《兽部七》：

角若担矛。《异物志》曰：合浦牛如橐驼，案顶上有特骨，大如覆斗，足健疾，其行百里。《郁林异物志》曰：州留者，其实水牛，苍毛豕身，角若担矛，护卫其犊，与虎为仇。^[64]

[清]张英等《御定渊鉴类函》卷四百四十二《鳞介部六》：

珠文毒尾刘欣期《交州记》：鲛鱼出合浦，长三尺，背上有甲，珠文坚强可以饰刀口，又可以鍤

物。《山海经》：燕山漳水出焉，其中多鲛鱼。注曰：鲛有珠文，尾青，毒皮可以饰刀剑口。^[65]

[清]张玉书等《御制佩文韵府》卷十八之二：

合浦鲛。《异物志》：朱崖有水蛇，鲛鱼出合浦，长二三尺，背上有甲，珠文坚强，可以饰刀，可以为炉。^[66]

[清]张玉书等《御制佩文韵府》卷三十：

合浦杉。《交州记》：东有一树，叶落，随风入洛阳城内。汉时有善相者，云：“此休征也。”^[67]

[清]陈元龙《格致镜原》卷三十二《珍宝类一》：

《述异记》：南海有珠，即鲸目瞳，夜可以鉴，谓之夜光。凡珠有龙珠，龙所吐也。蛇珠，蛇所吐也。南海俗云：蛇珠千枚不及一玫瑰，言蛇珠贱也。越人俗云：种千亩木奴，不如一龙珠。吴越间俗说：明珠一斛，贵如王者。合浦有珠市。^[68]

[清]陈元龙《格致镜原》卷三十二《珍宝类一》：

万震《南州异物志》：合浦民善游采珠，几年十余便教入水，官禁民采珠，巧盗者蹲水底，剖蚌得好珠，吞而出。^[69]

[清]陈元龙《格致镜原》卷六十二《蔬类一》：

《晋书》：吴天纪三年，建邺有鬼目菜于工黄狗家生，依缘枣树，长丈余，茎广四寸，厚二分。又有莢菜生工吴平家，高四尺，如枇杷形，上圆，径一尺八寸，茎广五寸，两边生叶，绿色。《草木状》：合浦有菜，名优殿，以豈酱茹食之，甚香美。^[70]

[清]陈元龙《格致镜原》卷六十三《蔬类二》：

《吴都赋》：苞笋抽节。刘渊林注：苞笋，冬笋也。出合浦，其味美于春夏时笋。^[71]

[清]陈元龙《格致镜原》卷六十五《木类二》：

刘欣期《交州记》：合浦东百里有一杉树，汉安帝永初五年春，叶落随风飘入洛阳城，其叶大常杉数十倍。术士盛廉曰：“合浦东杉叶也，此休征，当出王者。”帝遣千人伐树，役夫多死者。^[72]

[清]陈元龙《格致镜原》卷六十九《草类二》：

《南方草木状》：吉利草，茎如金钗，股形类石斛，根类芍药。交广里俗多畜蛊毒，惟此草解之。吴黄武中，江夏李侯以罪徙合浦，初入境，遇毒，其奴名吉利者偶得是草，与侯服，遂解。因以吉利为名。又良耀草，枝叶如麻黄，花白如牛李，秋结子如小粟，煨食之解毒，功不亚于吉利。始有梁耀者得，是草因亦以为名，“梁”转为“良”耳。出高凉。^[73]

[清]陈元龙《格致镜原》卷六十九《草类二》：

《艺文类聚》：野聚藤，缘树木，二月花，色仍连，着实，五、六月熟，大如羹瓿，

其味甜酢，出苍梧。兰子藤，生缘树木，正、二月花，青色，四、五月熟，实如梨，赤如雄鸡冠，生食之，味淡泊，出交阯、合浦。菽藤，生金封山，俚人往往卖之，其色正赤，出兴古。浮沉藤，生子大如瓠瓠，正月花，色仍连，着实，十月腊月熟，色赤，生食之，甜酢，出交阯、九真。^[74]

[清]陈元龙《格致镜原》卷七十九《鸟类三》:

《草木状》:短头细黄鱼，以九月中因秋风而变成鶉。圃吏捕捉，以盐炙食，滋味肥美，出交阯、合浦郡。^[75]

[清]陈元龙《格致镜原》卷九十二《水族类三》:

《交州记》:鲛鱼出合浦，长三尺，背上有甲，珠文坚强，可以饰刀口，又可以鑿物。^[76]

[清]陈大章《诗传名物集览》卷六《鳞介》:

刘歆^[77]期《交州记》曰:“鲛鱼出合浦，长三尺，背上有甲。”^[78]

[清]徐文靖《管城硕记》卷十四:

杂申椒与茵桂。《集注》曰:茵，渠隕反。或从竹。椒，木实之香者。申，或地名，或其美名耳。桂，木名。《本草》云:花白叶黄，正圆如竹。按:嵇含《草木状》曰:桂出合浦，冬夏常青。交阯置园。有三种:叶如柏皮赤者为丹桂，似柿叶者为茵桂，叶似枇杷者为牡桂。则茵桂乃桂之一种耳。张氏《文选纂注》曰:茵，薰也，即零陵香也。谬甚。^[79]

[清]徐文靖《管城硕记》卷二十六:

《吴都赋》:山鸡归飞而来栖。《纂注》云:山鸡如鸡而黑色，树栖晨鸣，非螿螿也。合浦有之。^[80]

[清·雍正]金鉉《广西通志》卷二十八《榷税》:

晋武帝泰始末，交州牧陶璜上言:以合浦郡土地硗确，无有田农，百姓唯以采珠为业，商贾去来以珠贸米。而吴时珠禁甚严，虑百姓私放好珠，禁绝去来，人以饥困。又所调猥多，限每不充。今请上珠三分输二，次者输一，粗者蠲除。自十月讫二月，非采上珠之时，听商旅往来。诏并从之。^[81]

[清]嵇璜等《钦定续通志》卷一百七十四《昆虫草木略》:

吉利草因人得名。嵇含《南方草木状》云:此草生交广，茎如金钗，股形类石斛，根类芍药。吴黄武中，江夏李侯徙合浦，遇毒，其奴吉利偶得此草，与服遂解，而吉利遂遁去。侯以此济人，不知其数也。^[82]

[清]魏之琇《续名医类案》卷二十九《蛊》:

吉利草类石斛，根类芍药。吴黄武中，李侯以罪徙合浦，入境遇蛊，其奴吉利取此草解之，遂以为名。^[83]

[清·道光]阮元《广东通志》卷二百三十一《宦绩录》:

合浦郡土地硗确，无有田农，百姓以采珠为业，商贾去来以珠货米。吴时珠禁甚严，虑百姓私散好珠，禁绝来去，人以饥困。^[84]

[清·道光]阮元《广东通志》卷九十四《輿地略》:

吉利草，茎如金钗，股形类石斛，根类芍药。交广俚俗多蓄蛊毒，惟此草解之极验。吴黄武，江夏李侯以罪徙合浦。初入境，遇毒，其奴吉利者得是草，与侯服，遂解。吉利即遁去，不知所之。侯因此济人，遂以吉利为名。^[85]

[清·道光]阮元《广东通志》卷三百三十二《杂录二》:

韶州卢忠惠祠有铁鼓一面，微损，击之有声。先时江中有一蛟，舟行者多为害，光稠以铁为鼓及船，使役人乘之，一日夜来往五羊，得蛟斩之。至今蛟骨二段存祠中。盖以铁物治蛟乃金克木之道，龙性畏铁，蛟亦然。是皆属木，故以金制之。伏波铸铁船沉于合浦，其亦以镇压毒蛟而已。^[86]

[1] [西晋]郭璞注，[北宋]邢昺疏《尔雅注疏》卷十《释畜第十九》，上海古籍出版社，2010，第591页。

[2] [西晋]嵇含：《南方草木状》卷上，商务印书馆，1955，第4-5页。

[3] 同上书，第9页。

[4] 同[3]。

[5] 同上书，第7-8页。

[6] “僚”，原文为“獠”。

[7] 同上。

[8] [南朝梁]萧子显：《南齐书》卷十四《志第六·州郡上·越州》，中华书局，1972，第267页。

[9] [南朝梁]萧绎，许逸民校笺《金楼子校笺》卷五《著书篇十》，中华书局，2011，第1187页。

[10] [北魏]贾思勰撰，石声汉校释《齐民要术今释》卷十，中华书局，2009，第1112页。

[11] 同上。

[12] 同上书，第1138页。

[13] [唐]欧阳询等编《艺文类聚》卷八十四《宝玉部下》，汪绍楹校，上海古籍出版社，1982，第1438页。

[14] [唐]欧阳询等编《艺文类聚》卷八十四《宝玉部下》，汪绍楹校，上海古籍出版社，1982，第1437页。

- [15] 同上书，卷八十六《药部上》，第1479页。
- [16] 同[15]，第1480页。
- [17] 同上书，卷八十七《药部下》，第1498页。
- [18] 同上书，卷八十九《木部中》，第1547页。
- [19] 同[18]。
- [20] [唐]徐坚：《初学记》卷八《州郡部》，中华书局，2004，第193页。
- [21] [唐]杜佑：《通典》卷一百八十八《边防四·南蛮下》，王文锦、王永兴、刘俊文等点校，中华书局，1988，第5088-5089页。
- [22] [唐]段成式：《酉阳杂俎》前集卷十六《广动植之一》，方南生校注，中华书局，1981，第1192页。
- [23] [唐]段公路：《北户录》卷一《赤白吉了》，中华书局，1985，第5页。
- [24] [唐]王希明：《太乙金镜式经》卷八，清文渊阁四库全书本，第44页。
- [25] [北宋]陶穀：《清异录》卷下《小摩尼数珠》，上海古籍出版社，2012，第86页。
- [26] [北宋]李昉等编《太平御览》卷三百九十六《人事部三十七》，四部丛刊三编景宋本，第2430页。
- [27] [北宋]李昉等编《太平御览》卷七百一十八《服用二十》，四部丛刊三编景宋本，第4234页。
- [28] 同上书，卷七百八十五《四夷部六》，第4622页。
- [29] 同上书，卷八百三《珍宝部三》，第4745页。
- [30] 同上书，卷八百九十八《兽部十》，第5307页。
- [31] 同上书，卷九百《兽部十二》，第5316页。
- [32] 同上书，卷九百六《兽部十八》，第5465页。
- [33] 同上书，卷九百二十一《羽族部八》，第5441页。
- [34] [北宋]李昉等编《太平御览》卷九百二十四《羽族部十一》，四部丛刊三编景宋本，第5465页。
- [35] 同上书，卷九百五十七《木部六》，第5651页。
- [36] 同[35]，第5652页。
- [37] 同上书，卷九百七十二《果部十》，第5733页。
- [38] 同上书，卷九百八十《菜茹部一》，第5734页。
- [39] 同上书，卷九百九十五《卉部二》，第5855页。
- [40] 同[39]。
- [41] [北宋]范成大：《桂海虞衡志》，中华书局，2002，第110页。
- [42] [北宋]唐慎微：《证类本草》卷八，四部丛刊金泰和晦明轩本，第328页。
- [43] [南宋]郑樵：《通志》卷七十五《昆虫草木略第一》，中华书局，1995，第2005页。
- [44] 同上书，卷七十六《昆虫草木略第二》，第2053页。
- [45] 同上书，卷一百九十八《四夷传第五南蛮下》，第6452页。
- [46] [南宋]罗愿撰，[明]姚大受校补《重校尔雅翼》卷十二《桂》，中国国家图书馆编《原国立北平图书馆甲库善本丛书》第37册，国家图书馆出版社，2013，第670页。
- [47] [南宋]王应麟：《通鉴地理通释》卷五《十道山川考》，傅林祥点校，中华书局，2013，第79页。
- [48] [南宋]佚名：《锦绣万花谷》后集卷四十，上海古籍出版社，1992，第547页。
- [49] [明]杨慎撰，王大亨笺证《丹铅总录笺证》卷四《花木类》“合浦叶”条，浙江古籍出版社，2013，第141页。
- [50] [明]徐元太：《喻林》卷一百十八《物宜门三》，清文渊阁四库全书本，第1424页。
- [51] [明]彭大翼：《山堂肆考》卷二十九《地理》“锦官”条，清文渊阁四库全书本，第403页。
- [52] [明]陈耀文：《天中记》卷四十六，清文渊阁四库全书本，第1808页。
- [53] 同上书，卷四十九，第1959页。
- [54] 同上书，卷五十一，第2033页。
- [55] [明]陈耀文：《天中记》卷五十三，清文渊阁四库全书本，第2118页。

- [56] 同上书，卷五十五，第 2189 页。
- [57] [明]卢之颐：《本草乘雅半偈》卷二《本经上品三》，清文渊阁四库全书本，第 30 页。
- [58] 同上书，卷八《别录上品》，第 200 页。
- [59] [明]方以智：《通雅》卷四十三，清文渊阁四库全书本，第 628 页。
- [60] [清]张英等编《御定渊鉴类函》卷三百九十七《药部二》，清文渊阁四库全书本，第 8837 页。
- [61] 同上书，卷四百一《果部三》，第 8892 页。
- [62] 同上书，卷四百八《草部一》，第 8972 页。
- [63] 同上书，卷四百十六《木部五》，第 9091 页。
- [64] 同上书，卷四百三十五《兽部七》，第 9497 页。
- [65] 同上书，卷四百四十二《鳞介部六》，第 9626 页。
- [66] [清]张玉书等编纂《御制佩文韵府》卷十八之二，清文渊阁四库全书本，第 1595 页。
- [67] 同上书，卷三十，第 9031 页。
- [68] [清]陈元龙：《格致镜原》卷三十二《珍宝类一》，江苏广陵古籍刻印社，1989，第 428 页。
- [69] 同上书，第 429 页。
- [70] 同上书，卷六十二《蔬类一》，第 699 页。
- [71] 同上书，卷六十三《蔬类二》，第 707 页。
- [72] 同上书，卷六十五《木类二》，第 730 页。
- [73] 同上书，卷六十九《草类二》，第 777 页。
- [74] [清]陈元龙：《格致镜原》卷六十九《草类二》，江苏广陵古籍刻印社，1989，第 781 页。
- [75] 同上书，卷七十九《鸟类三》，第 889 页。
- [76] 同上书，卷九十二《水族类三》，第 1027 页。
- [77] “歆”同“欣”。据中华书局《酉阳杂俎》2015 年版标点。
- [78] [清]陈大章：《诗传名物集览》卷六《鳞介》，清文渊阁四库全书本，第 108 页。
- [79] [清]徐文靖：《管城硕记》卷十四，范祥雍点校，中华书局，1988，第 253 页。
- [80] 同上书，卷二十六，第 490 页。
- [81] [清]雍正《广西通志》卷二十八《榷税》，清文渊阁四库全书本，第 422 页。
- [82] [清]嵇璜等：《钦定续通志》卷一百七十四《昆虫草木略》，清文渊阁四库全书本，第 2130 页。
- [83] [清]魏之琇：《续名医类案》卷二十九《蛊》，清文渊阁四库全书本，第 539 页。
- [84] [清]道光《广东通志》卷二百三十一《宦绩录》，清道光二年刻本，第 4073 页。
- [85] 同上书，卷九十四《輿地略》，第 1816 页。
- [86] 同上书，卷三百三十二《杂录二》，第 5688 页。